

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-5000/10

Datum, 29.10.2010. godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 27. sjednici od 29.10.2010. godine, razmatralo je Informaciju o provođenju Sporazuma između Općinskog vijeća, Općinskog načelnika i nevladinih/neprofitabilnih organizacija općine Zavidovići, pa nakon rasprave donijelo

ZAKLJUČAK

I

Općinsko vijeće Zavidovići usvaja Informaciju o provođenju Sporazuma između Općinskog vijeća, Općinskog načelnika i nevladinih/neprofitabilnih organizacija općine Zavidovići, sa prijedlozima mjera:

1. Saradnja lokalnih vlasti i udruženja građana-nevladinih organizacija, kako je predviđeno Sporazumom, mora se manifestovati kroz redovnu saradnju na svim pitanjima koja su Statutom općine Zavidovići utvrđena kao obaveza u zadovoljavanju potreba i interesa građana općine Zavidovići.

2. Nevladine organizacije moraju ulagati više napora na vlastitom osposobljavanju i izgradnji infrastrukture kojom će moći odgovoriti na razvoj partnerskih odnosa sa lokalnim vlastima i svim drugim nivoima vlasti i institucija koje nude partnerske odnose u pojedinim programskim i projektnim aktivnostima. Samo u ovakvim odnosima nevladine organizacije mogu tražiti svoju održivost, jer se više neće moći podržavati praksom finansiranja rada udruženja "radi udruženja".

3. Da bi se omogućio status nevladinih organizacija kao partnera lokalne vlasti, planiranje sredstava u Budžetu općine treba uskladiti sa potpisanim Sporazumom o partnerstvu između Općine i udruženja građana/nevladinog sektora i to:

- Preimenovanje "Transfera za društvene organizacije i udruženja" u "Transfer za podršku udruženjima-nevladinom sektoru". Naime, Zakon o udruženjima i fondacijama FBiH po kojem udruženja djeluju i koriste budžetska sredstva ne poznaje termin "društvene organizacije" pa ga treba ukinuti iz naziva transfera. Sredstva planirana na transferu bi se koristila za podršku projektima nevladinih organizacija, a ne za redovan rad udruženja.

- Povećanje sredstava na ovom Transferu u Budžetu općine za 2011. godinu, u skladu sa mogućnostima.

- Utvrđivanje politike općine Zavidovići na nivou Općinskog načelnika za narednu budžetsku godinu, u smislu da se u skladu sa Sporazumom utvrde oblasti u kojima bi se mogao obezbijediti partnerski odnos nevladini organizacija i lokalnih organa vlasti po pojedini projektima.

- U skladu sa utvrđenim opredjeljenjima iz prethodnog stava, kriterijima za raspodjelu sredstava u predmetnim oblastima regulisati obavezu javnog oglašavanja i načina raspodjele sredstava.

4. Obezbiđediti nastavak rada Intersektorskog tima i unaprjeđivanje saradnje sa Komisijom za izradu razvojnih projekata Općine Zavidovići i Razvojnog agencijom Zavidovići.

5. Neophodno je dalje kadrovsko osposobljavanje Razvojne agencije Zavidovići koja već ima razvijenu saradnju sa nevladinim organizacijama u pripremama različitih projekata za apliciranje na raspisane pozive državnih organa, fondacija i međunarodnih institucija.

6. Organizovati zajedničke edukaciju za rukovodstva udruženja i predstavnike organa lokalne vlasti svim bitnim pitanjima koja se tiču rada udruženja, saradnje sa lokalnom zajednicom, programiranja rada udruženja u okviru interesa i potreba lokalne zajednice i namjenskog obezbjeđivanja sredstava za realizaciju pojedinih projekata kroz partnerstvo udruženja građana sa lokalnom i širom društvenom zajednicom.

II

Zaključak stupa na snagu odmah.

(M.P.)

PREDSJEDA VAJUĆI
OPĆINSKOG VIJEĆA

ing.Radosav Petrović, s.r.